

Parlamentario Xiomara Maduro:
**MINISTER GERLIEN CROES TA
PERSIGUI HENDE CU A HACI
MAS TRABOU NA BIENESTAR
DI ARUBA CU E MES**



WWW.SOLODIPUEBLO.COM



SOLODIPUEBLO@GMAIL.COM




**ROCCO TJON NA MINISTER GERLIEN
CROES: ELIMINA DEPARTAMENTO DI
MUCHA Y HOBEN TA UN DECISION
DEVASTADOR PA NOS MUCHANAN**

**DOWERS A HABRI PORTA: TUR
ILEGAL PROMER CU 1 DI JULI
2025 POR LEGALISA NAN MES
NA DIMAS SIN PATRON**



**TURISTA CRUCERO NO TA
DESAPARECI; EL'A DICIDI
PA KEDA BONEIRO**



DOWERS A HABRI PORTA: TUR ILEGAL PROMER CU 1 DI JULI 2025 POR LEGALISA NAN MES NA DIMAS SIN PATRON

ranjestad, Aruba – E Ministro di Husticia, Arthur Dowers, a lansa dialuna mainta un programa nobo pa regula situacion di indocumentadonan na Aruba. Den cuadro di e programa nobo, tur persona cu ta biba ilegalmente riba e isla i cu a yega promer cu 1 di juli 2025, por bai DIMAS pa solicita un permiso di estadia y trabao, sin mester

tin un patron.

“Nos ta habri un caminda. Tur hende cu tabata aki prome di 1 di juli 2025 por solisita su permiso personal na DIMAS, sin depende di un empleador. E permiso lo wordo entrega,” Dowers a bisa durante su anuncio.

E programa ta parti di e maneho nobo di AVP Futuro i ta busca pa

duna mas seguridad legal na indocumentadonan cu ya tabata forma parti di comunidad, eliminando dependencia di empleadonan.

DIMAS lo cuminsa acepta e tipo di peticionnan aki pronto, cu meta pa integra e grupo grandi di indocumentadonan den un proseso di biba i traha mas regula riba isla.



ROCCO TJON NA MINISTER GERLIEN CROES: ELIMINA DEPARTAMENTO DI MUCHA Y HOBEN TA UN DECISION DEVASTADOR PA NOS MUCHANAN



crucial den e cadena social, hudicial, enseñansa y salubridad publico. DMH su rol ta fundamental pa garantisa centronan di cuido di calidad, sigur (safe), cu personal adecua y bon ekipa y tambe DMH ta yuda traha preventivo contra abuso di mucha.

Pakico DMH ta asina importante pa pueblo?

Cu e cierre di DMH, abo como mayor of voogd ta perde tur e centronan di cuido for di bista. Bo ta perde e confiansa den e calidad di cuido cu bo yiu lo por ricibi. DMH a percura pa brinda curso na tur centro di cuido riba diferente tereno manera: EHBO (prome auxilio), Señalnan di Abuso, brinda

opleiding riba MBO niveau conhuntamente cu Gobierno di Aruba, a percura pa tur centro di cuido ta limpi (higiene), sigur (pensa riba seguridad ora tin candela of calamidad), y mas. Sra. Gerlien Croes no a solamente cera un departamento, pero tambe el a cera e porta pa colaboracionnan cu e personal a traha duro pa logra. Colaboracionnan internacional manera UNICEF y Universidadnan na Hulanda, como tambe colaboracion den e aparato gubernamental mes manera polisnan di bario.

E impacto di esaki ta directamente riba bo. E ta directamente

riba bienestar di nos muchanan. Centronan di cuido a hinca placa, tempo y energia pa logra cumpli cu e standardnan internacional pa centronan di cuido di mucha y awo Gerlien Croes a tir'e den bari manera un papel mas. Placa y confiansa di comunidad a wordo tira afo. Sin conta con tur e programanan, protocol, training y partnership cu Hulanda (Unicef) ta keda colga den aire.

Conclusion

Cera un departamento cu tanto balor strategico ta muestra un falta di seriedad di Minister Gerlien Croes pa un topico asina delicado: proteccion di mucha. E hecho cu e proyecto aki

a cuminsa bou Gabinete Wever-Croes no por pisa mas cu e hecho cu nos muchanan merece tur proteccion y cu nos centro di cuidonan tambe merece e respet pa nan trabou y dedicacion.

Pa finalisa, esaki ta muestra cu sra Croes ta yega tuma decision sin dialoga cu stakeholders, pasobra un decision cu asina hopi consecuencia negativo hamas lo por a conta cu un consejo positivo. Nos ta spera cu e por sali duna un splicacion duidelijk cu argumento pakico el a tuma e decision aki y no simplemente haci un post riba Facebook mane nada no a pasa!

Departamento di Mucha y Hoben (DMH) a nace despues di añanan di trabou intensivo, critico y investigativo, cu e meta pa yuda y proteha nos mucha. Manera ta conoci DMH ta e departamento cu ta administra y supervisa centronan di cuido di mucha, y ta un partner

Dangui Oduber:

RIJKSWET HOFA TA NADA OTRO CU KITA AUTORIDAD DI PARLAMENTO Y KITA NOS AUTONOMIA FINANCIERO!

Aruba tin un Status Aparte unico den Reino Hulandes desde aña 1986. Aruba su Status Aparte ta diferente cu esun di Corsou y Sint Maarten y hustamente esaki ta pone cu nos mester para y defende e Status Aparte aki cu a duna nos e libertad y autonomia financiero cu a percura pa nos por a crece y desaroya nos mes economicamente.

Awe despues di 40 aña Status Aparte nos ta na un crusada peligroso caminda nos libertad y autonomia financiero ta den peligro. E ta ancla den nos Statuut cu maneho financiero di pais Aruba ta algo "AUTONOMO" di pais Aruba.

Un fianza y debe di pandemia no por ta un motibo pa kita autonomia financiero di pais Aruba! Es mas, Aruba su situacion financiero despues di pandemia a mehora drasticamente. Minister Wever continuamente ta gaba cuanto placa Aruba tin y con bon e situacion financiero di pais Aruba ta. Aruba na e momentonan aki tin un surplus di 500 miyon

florin, nos ta cumpliendo cu tur nos obligacionnan financiero, nos ta pagando nos debe externo sin problema, nos tin supervisionnan financiero di CAft y nos debe a baha di 120% pa 71% den apenas 4 aña.

Cu e "factsnan" aki NO tin ningun motibo, ningun urgencia, ningun hustifacion y ningun motibo valido pa entrega nos Libertad, entrega nos autonomia, entrega nos derecho di autodeterminacion.

E Rijkswet HOFA cu su tata ta Mike Eman, su mama Gerlien Croes y padraastro Geoffrey Wever ta un traicion pa nos Status Aparte y libertad. Mike Eman, Gerlien Croes y Geoffrey Wever lo bay den historia como esnan cu a traiciona nos pais y entrega nos status autonomo.

Rijkswet HOFA lo kita derecho di Parlamento y Aruba lo perde su autonomia financiero. Esaki ta e consecuencianan di e Rijkswet HOFA pa nos libertad y autonomia financiero:

- E rijkswet HOFA ta duna



Hulanda e autoridad pa dicidi con Aruba mag di gasta su propio placa. Desde cuando un banco, cu ta prestabo placa, por dicidi pabo con abo mag gasta bo propio entrada?

- E rijkswet HOFA ta duna Hulanda e autoridad pa dicidi cuanto placa Aruba mag di fia!

- E ta un ley cu ta bay hopi mas leu cu solamente controla.

- Pa cada inversion sea chikito of grandi mester pidi PERMISO na Consejo di Minister di Reino (gobierno di Hulanda). Desde aña 1986 pais Aruba ta dicidi riba tur inversión y cu HOFA esaki lo cambia!

Esaki ta puntonan cu nos mester informa comunidad pakico nos ta considera e rijkswet HOFA como entrega di nos libertad y entrega di nos autonomia.

Nos ta lamenta cu den parlamento tin miembronan cu no ta sinti nada pa nos Libertad, nan no ta sinti nada di orguyo di por ta biba den un pais liber, nan no ta sinti nada pa nos Status Aparte. Ni con chikito un nacion ta, semper bo mester para firme y fuerte pa bo principionan y dignidad! Libertad di un pais NO tin prijs y pa un sakito di placa bende nos alma y libertad NO ta aceptabel!

TURISTA CRUCERO NO TA DESAPARECI; EL'A DICIDI PA KEDA BONEIRO

Kralendijk – E turista di crucero cu tabata reporta como "desapareci" for di Carnival Horizon, a resulta cu no ta un caso di persona perdi, sino un decision personal pa keda na Boneiro.

E empresa Carnival Cruise Line a confirma cu Jessica Collins (47 aña) a disenbarca cu tur su pertenencian, y a laga un nota di agradecimento i un tips pa su camarero, i despues a manda un mensahe na e team di cuido di e compania, bisando cu e ta safe i no kier wordo buska ni molestia mas.

Polis local a sigui e procedura normal pa trata e situacion como un persona perdi, pero indicacion ta cla ku Collins a escoge intencionalmente pa no bolbe na barco. Carnival a bisa ku e ta sigi colaborando cu autoridadnan lokal, pero a aclara cu e pasahero a hasi un decision propio pa keda riba su mes.

Importante pa bisa cu, segun ley, keda atras durante un stop di crucero no ta un metodo legal pa emigra na un otro pais. Tur pais, innuso Boneiro, tin su regulacion i prosedura pa residencia.



Ministro encarga cu Turismo & Salubridad ta anuncia cu entrante **24 september 2025** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un **bierhuis- y un restaurantvergunning B** pa e parcela na **Caya G.F. Betico Croes 76, Unit 3**. E permisionan aki ta concerni e.o. benta di bebida zwak por detal y cuminda pa wordo consumi den e parcela. Den e periodo aki tur hende por expresa por escrito nan desacuerdo contra dunamento di e permisionan menciona, dirigi na e Ministro encarga cu Turismo & Salubridad via intermediacion di Director di Departamento di Legislacion y Asunto Huridico, Schotlandstraat 53.

MAS HOBEN PROFESIONALISA CLA PA SIRBI NOS PAIS; HURAMENTACION Y ENTREGA DI DIPLOMA Y CERTIFICADO



Santa Cruz, ARUBA: Scol di Polis E.J. Watty Vos tabata diabierna ultimo yena cu famia, amigonan y colega

pa un ocasion special. Den presencia di Minister di Husticia mr. drs. Arthur Dowers, Procurador-Generaal sra.



Amalin Flanegin, Altocomisario di Polis drs. Ramon Arnhem conhuntamente mando policial, staff y personal di Scol di Polis E.J. Watty Vos, a haci entrega di diploma MBO na Klas N4-2021, huramentacion di klas 2023 y entrega di certificado Sub-Fiscal tambe certificado di “leren les geven” na docentenan di Scol di Polis E.J. Watty Vos.

Diesun estudiante di klas N4-2023 a huramenta dilanti Minister di Husticia pa asina nan por sigui cu e siguiente fase pa por subi caya y sigui cu nan estudio policial. Klas N4-2021 a termina nan estudio policial di cuater aña. Nan a firma nan diploma di MBO Policial. Despues di 4 aña intensivo di training y preparacion policial como tambe estudio di ley nos tin 20 agente policial nobo pa sirbi nos comunidad. Riba e ocasion special aki tambe dies personal

tanto di KPA tambe Landsrecherche, cu a termina nan curso di Sub-Fiscal a haya nan certificado oficial. Tambe nueve docentenan di scol di Polis E.J. Watty Vos cu a sigui e curso di “Leren les Geven” tambe a haya nan certificado. Nos ta gradici cada famia di e agentenan cu a bin presencia e momento special aki. Esaki ta un

etapa importante pa e agentenan pero ta danki na e sosten di famia cu ta haci esaki posibel. Cuerpo Policial Aruba ta orguyoso di mira progeso y desaroyo personal na cada un agente policial tambe miembronan di Landsrecherche. Mas conocimiento nifica progreso personal pa nan mes pa nan carera policial. Nos ta deseana hopi exito den futuro y masha pabien!



Wij zijn verhuisd!

Het secretariaat van de **Bezwaaradviescommissie LAR** is

per **1 oktober 2025** verhuisd naar een nieuw pand.

📍 Ons nieuwe adres is:
L.G. Smith Boulevard 20

☎ Tel: 588 9281
✉ E-mail: lar@aruba.gov.aw

Wij kijken ernaar uit om u vanaf ons nieuwe kantoor van dienst te zijn.

Met vriendelijke groet,
Het Secretariaat van de Bezwaaradviescommissie LAR

Parlamentario Evelyn Wever-Croes:

ACCION DI FIRMA TA CONTINUA
CONTRA LEY DI REINO HOFA

“E ley di reino HOFA cu gobierno di AVP y Futuro a aproba sin consulta cu Parlamento, no ta bon pa Aruba. Na prome luga pa e proceso cu a wordo encamina, sin consulta ni informa Parlamento.

Nan ta yama e ley un ‘consensus rijkswet’ pero no a busca ni haya consensus prome. E ley no ta bon pa Aruba, pasobra e ta contene norma y proceduranan cu lo frena e desaroyo di nos pais. Hulanda tin e mesun instrumentonan ey awor caba pa cu Curacao y Sint Maarten, pero nan propio evaluacion a bisa cu e ley di reino eynan a frena e desaroyo socio economico di e paisnan.

E ley no ta bon tampoco, pasobra practicamente bo no por sali afo unabes cu bo drenta”, asina Parlamentario Evelyn Wever-Croes a cuminsa e conferencia di prensa semanal dialuna ultimo.

Locual ta haci e situacion mas serio ainda ta cu Aruba a sa di hiba un maneho financiero responsabel, y tabata hopi exitoso den esaki. Pues no tin ningun motibo pa entrega awor.

P’esey e Parlamentario ta extende un invitacion na henter comunidad pa participa na e accion di firma. Por haci esaki door di firma e listanan den diferente barionan, of por haci’e tambe via un peticion digital. Google“Firma peticion pa desaprobacion

di HOFA” of “Firma peticion contra HOFA” y bo por firma for di comodidad di bo cas of trabou.

Cu bo firma bo ta expresa bo malcontento y bo preocupacion cu locual gobierno di AVP y Futuro

a haci. E ley di reino no ta bon pa Aruba pasobra e ta frena nos desaroyo.



100 Of Superior
Years Experiences

Bo tarheta di Debito nobo
ta cla pa busca!

Fechanan	Prome letter di bo number
Sep 22 - Oct 3	A, B, C, D, E
Oct 6 - Oct 17	F, G, H, I, J, K
Oct 20 - Oct 31	L, M, N, O, P, Q
Nov 3 - Nov 14	R, S, T, U, V, W
Nov 17 - Nov 21	X, Y, Z



 **Card Pick-up Center – EPB HATO**
 **dialuna pa diabierna, 9:00 am – 5:00 pm**

Tuma Nota

- ☒ Trece bo ID valido ora di busca bo tarheta
- ☒ Si otro persona ta busca bo tarheta, e mester trece e formulario di autorizacion firma y un copia di bo ID.
- ☒ Si bo a ricibi bo tarheta entre januari y augustus 2025, ya bo tin bo tarheta nobo caba. Bo no mester busca mas.
- ☒ Si bo a ricibi un email cu ta indica cu bo tarheta ta caduca na september 2025, bo ta hata ta cla pa busca na Aruba Bank Hato.
- ☒ E distribucion aki ta solamente pa tarhetanan cu ta caduca desde october 2025.

10 nurse a cuminsa nan specialisacion IC/SEH na Aruba mes

HOH ORGUYOSO DI PROME PASO IMPORTANTE DEN FUTURO DI EDUCACION

HOH- Academy di Horacio Oduber Hospital (HOH) y Universidad di Aruba a firma na luna di juni un Memorandum of Understanding (MoU), cu a habri caminda pa formacion medicoriba nivel di HBO directamente na Aruba mes. Awe nos por mira con e colaboracion aki ta resulta den e prome paso di formacion na Aruba y den e caso aki a cuminsa cu educacion di nurse specialisa den Intensive Care (IC) y Departamento di Emergencia (SEH). E programa ta un combinacion di teoria y practica y ta conta cu un total di 10 estudiante, di cual dos di nan ta coleganan di ImSan.

Antes den forma remote

Anteriormente pa por a logra specialisa HOH tabata depende di institucionnan educativo den exterior y esaki tabata den forma 'remote', esta durante oranan laat di anochi via computer y pues

nada interactivo. Awo danki na e MoU aki e lesnan lo ser duna pa nos maestronan local y adapta na e contexto di Aruba y tambe den nos idioma. Esaki tin gran beneficio pa e calidad di educacion y e aplicacion den practica.

Orguyoso di e paso

Recientemente e prome les di specialisacion den IC/SEH pa nos nursenan a cuminsa oficialmente. E momento aki ta yena HOH di orguyo mirando cu danki na e colaboracion cu Universidad di Aruba y Leids Universitair Medisch Centrum (LUMC), nos a logra organisa un educacion adapta na contexto y necesidad di Aruba," segun Anna Posner, clinical teacher na HOH-Academy. E programa aki tampoco no lo ta posibel sin e cooperacion di e specialistanan, docentenan y tambe e 'praktijk begeleiders' cu t'ey presente na pia di trabou y



sin lubida e coleganan di HOH-Academy. E duracion di e programa completo ta 15 luna cu meta pa forma profesionalnan den cuido prepara pa atende pashent na ICU y Departamento di Emergencia.

Clinical teacher, Daisy van Leeuwen a agrega: "Un di e fundacionnan di HOH ta 'continuous learning' y e colaboracion cu Universidad di Aruba y LUMC ta bolbe enfatisa esaki. E ta crea un oportunidad unico: lesnan ta personal, integra

cu nos leynan y accesibel pa estudiante. Esaki ta trece cune entusiasmo y comprension, pasobra nan ta haya les personal y den idioma y contexto propio."

HOH ta hopi contento cu ta brinda e oportunidad aki na HOH-Academy mes pa nos profesionalnan por sigui desaroya. E ta un inversion den futuro di cuido medico na Aruba y un paso positivo pa bienestar di nos comunidad.

INSCRIPCION DI KLEUTER TA BAY HABRI! MAYORNAN POR INSCRIBI NAN YIU(NAN) COMPLETAMENTE ONLINE NA SKOA

Oranjestad, Aruba: Entrante 1 di october 2025, SKOA ta bay habri inscripcion pa mayornan cu tin yiunan cu ta bay cuminsa kleuter e proximo aña escolar. Si bo yiu ta bay haci cuater aña den e proximo lunanan, esaki ta un bon momento pa cuminsa pensa ariba cua scol bo kier pa e bay. SKOA ta brinda un variedad grandi di scolnan kleuter den tur distrito riba nos isla cu bo por scoge for di dje. E curiculo di kleuter ta multilingual, esaki ta beneficia e mucha cu un bon base di lenguahe cuminsando for di kleuterklas. Ademá, e curiculo di kleuter ta cubri mas cu 10 area di desaroyo. SKOA su meta

ta pa enfoca ariba e bon desaroyo y crecimiento di cada mucha y ta pone como prioridad pa mantene e calidad halto di educacion den tur su scolnan.

Con pa inscribi?


☐ Pa mayornan cu no tin yiu inscribi na SKOA, por inscribi pa kleuter via nos website www.skoa.aw completamente online.

Ora di haci inscripcion mester pone bon atencion ariba e documentonan cu ta necesario pa asina por cumpli cu e proceso di inscripcion di bo yiu. Mayornan cu inscribi nan yiu ta haya un periodo di 6 siman pa asina por cumpli cu

e pago completo di schoolgeld pa e aña escolar venidero. Despues di 6 siman, si e pago no ta completo, e cupo di inscripcion ta wordo cancela cu consecuencia cu no lo bay tin un luga segura na un scol pa e yiu por cuminsa kleuter e proximo aña escolar.

Pa pregunta of informacion tocante inscripcion na SKOA por manda un email na aplicacion@skoaw.aw of manda un WhatsApp na +297 7485995. Mayornan cu ta desea por pasa libremente na nos oficina pa inscripcion.

Pacualkier otro pregunta of



informacion tocante inscripcion en general na SKOA por bishita nos website www.skoa.aw of por yama na liña directo 5231800.

Parlamentario Xiomara Maduro:

MINISTER GERLIEN CROES TA PERSIGUI HENDE CU A HACI MAS TRABOU NA BIENESTAR DI ARUBA CU E MES

Gerlien su trabou ta “valt vies tegen”

Parlamentario Xiomara Maduro a tuma nota di e caso cu sra. Sabine de Groot a gana contra Land Aruba, especificamente contra Minister Gerlien Croes. Eyden por lesa cu Gerlien ta abusa di su poder como minister pa kita Sabine di trabou sin motibo valido. Esaki ta un caso lamentabel di persecucion politico riba un hende cu a haci mas trabou na bienestar di Aruba, cu Minister Gerlien Croes mes a haci te awo.

Trabou duro den pandemia E ta conoci cu Sabine de Groot a haci un trabou grandi pa Aruba durante pandemia pa yuda cu FASE pa miles di persona cu a keda sin entrada. Tabata un esfuerzo grandi cu Sabine a haci bou di un presion enorme cu e tempo di inseguridad di covid 19 a trece cune. Anto e tempo ey ta kico Gerlien a haci pa Aruba? Net nada.

Encarga cu Landspakket

No por lubida cu bou di e mesun presion di pandemia, Sabine a traha incansablemente tambe riba reformanan laboral den cuadro di Landspakket. Y kico Gerlien tabata haci e tempo eynan? Drumi

dushi na su cas, traha bolo y kuki?

Mehora Enseñansa pa Empleo

Sabine a bay traha na Enseñansa pa Empleo na unda ela percura pa habri un sucursal di Enseñansa pa Empleo na San Nicolas hunto cu EPB school. Sabine den cooperacion cu AHATA a profesionalisa Enseñansa pa Empleo na unda ta ofrece awor e curso nobo di Casino Dealer y tambe e curso avansa di Waiter certifica pa AHATA. Sabine a logra tambe pa e curso di Klein Vaarbewijs conoce un parti practico y wordo reconoci pa

Directie Scheepvaart. Ta cursonan cu hopi hoben ta sigui exitosamente y ta yuda nan cu habilidad pa haya un trabou digno na Aruba. Gerlien ta minister encarga cu hoben, anto net e minister aki ta core cu un hende cu a haci asina hopi trabou pa yuda hoben na Aruba?

Gerlien su trabou ta “valt vies tegen”

Ta un berdadero lastima pa mira Gerlien persigui Sabine, kende a haci mas trabou na bienestar di Aruba, cu Gerlien mes a haci. Cu tur respet, Minister Gerlien Croes su trabou te awo ta uno echt sin contenido y sigur



despues di e pifia aki di na bienestar di Aruba, ta persecucion politico di “valt vies tegen.” un hende cu ta traha duro



OPORTUNIDAD PA TRABOU:

“ELECTRO-TEKENAAR”

Rekisitonan :

- EPI/MTS ELECTRO -Diploma
- Experiencia cu programma AUTO-CAD
- Experiencia cu pinta mapa di coriente y planificacion di trabou
- Experiencia amplio den conocimiento di instalacion di coriente

Por manda aplicacion y CV pa nos email :

- info@quickholding.com
- of via watsapp only : 593-1815



OPORTUNIDAD PA TRABOU:

“ADMINISTRATIE”

Rekisitonan:

- EPI-ECONOMIA-diploma
- Experiencia cu MS Office y otro aplicacionnan administrativo
- Experiencia amplio den administracion
- Abilidad pa traha independiente y den team work

Por manda aplicacion y CV pa nos email :

- info@quickholding.com
- of via watsapp only : 593-1815

CFT: "FINANCIAMIENTO DI E SISTEMA DI CUIDO DI SINT MAARTEN NO TA SOSTENIBEL"

Philipsburg – Sint Maarten tin añanan ta luchando cu deficitnan structural cerca e fondonan di cuido. Si no tuma accion, e situacion ta bira insostenibel. Ta di sumo importancia pa Sint Maarten implementa e seguro medico general mas pronto posibel.

Cft tin bastante tempo ta expresa su preocupacionnan tocante di e deficitnan cerca e fondonan di cuido, cu ta causa perdidanan cerca Uitvoeringsorgaan Sociale en Ziektekostenverzekering (SZV). E deficit cumulativo cerca e fondonan di cuido den e periodo 2010 te cu 2023 ta ascende te aproximadamente XCG 500 miyon. E añanan benidero, SZV ta anticipa deficitnan di XCG 30 pa 35

miyon pa aña. Actualmente ta compensa e deficitnan aki pa medio di surplusnan, principalmente di e pensioen di biehes (AOV). Como consecuencia, e reservanan di e fondo ta baha rapidamente. Fondo Monetario Internacional hasta ta pronostica cu e reservanan likido lo keda agota na 2029.

Tuma medidanan Ta di importancia cu tin balance entre ingresonan y gastonan. Den caso di Sint Maarten, e gastonan di cuido structuralmente ta surpasa e ingresonan, loke ta causa un deficit. Esaki ta un riesgo grandi pa finanzas gubernamental. E añanan venidero, e poblacion di Sint Maarten lo sigui envehece. Pa un sistema sostenibel, tur hende mester contribui

un "fair share". Cft tin bastante tempo ta urgi cu mester tuma medidanan pa reduci e deficitnan. Sint Maarten ta traha riba un seguro medico general (GHI/SAAHA) cu ta spera di conduci na ingresonan di prima mas alto y gastonan manehabel. Sin embargo, e trayecto legislativo ta canando pa mas cu dies aña caba. Cft ta pidi tur stakeholder involvi, incluyendo Minister di Salubridad Publico, Desaroyo Social y Trabao, Minister di Finanzas, SZV i e hospital (SMMC/SMGH) pa colabora y atende ku e problematica.

Cft tambe ta enfatisa e importancia di e sobra medidanan cu Sint Maarten ta trahando riba dje, manera e uso mas frecuente di remedinan



generico, un rol mas fuerte pa cuido primario (dokter di cas) y eleccionnan mas consciente respecto di trasladonan pa cuido medico den exterior. E plannan aki a ser traha basta tempo pasa. Awor ta trata di implementacion.

Presupuesto pa 2025 y 2026

E presupuesto pa 2025 a ser aproba na januari 2025 pa Parlamento, y a keda stipula basta tempo

despues, riba 10 di juli di e aña aki. Esaki ta mas cu seis luna despues di e fecha limite legal, 15 di december 2024. Actualmente, Sint Maarten ta trahando riba e presupuesto pa 2026. Cft ta urgi e pais pa haci tur esfuerso pa stipula e presupuesto aki prome cu aña nobo ta cuminsa. Di e manera aki, e pais por duna un paso importante den e mehoracion di maneho financiero.

ARUBA BANK TA CUMINSA DISTRIBUCION DI SU TARHETA PERSONAL NOBO DI DEBITO MASTERCARD

– 22 september 2025- Aruba Bank ta anuncia cu e distribucion di su tarheta personal di debito nobo di Mastercard sin Maestro ta cuminsa oficialmente dia 22 di september 2025. E paso aki ta un transicion di e tarheta di debito cu Maestro pa uno sin Maestro cu funcionalidad igual pa e cliente, pa motibo cu Maestro lo wordo discontinua mundialmente.

Un cantidad grandi di tarheta personal a wordo imprimi pa clientenan cu tin tarheta personal cu ta bai caduca desde october 2025 te cu december 2027. Nos ta invita cliente pa bin tuma nan tarheta personal nobo na nos Card Pick-Up Center na EPB Oranjestad for di 9:00 AM – 5:00 PM di

dialuna pa diabierna a base di e schedule basa riba e prome letter di bo nomber.

Fecha pa busca tarheta personal
22 september – 3 oktober letter A, B, C, D, E | 6 – 17 oktober letter F, G, H, I, J, K | 20 - 31 oktober letter L, M, N, O, P, Q | 3 – 14 november letter R, S, T, U, V, W | 17 – 21 november letter X, Y y Z.

Ejempel: Si bo nomber ta Karina Croes, bo por busca bo tarheta entre 6 cu 17 di oktober.

Informacion importante pa clientenan

- Trece bo ID valido ora bo bo busca bo tarheta
- Si otro persona busca bo tarheta, e mester trece:

o Un formulario di autorizacion firma

o Un copia di bo ID valido

- Clientenan cu a ricibi un tarheta nobo entre januari te cu augustus 2025, ya tin nan tarheta nobo caba y no mester busca otro tarheta

- Si bo a ricibi un email pa tuma bo tarheta cu ta caduca den september 2025, bo mester busca bo tarheta na Aruba Bank Hato Branch, no na EPB Hato.

- E distribucion aki ta solamente pa tarhetanan cu ta caduca for di oktober 2025 en adelante

- Studentenan ku ainda no a busca nan tarheta tambe por pasa na EPB Hato pa busca su tarheta.



Pa mas informacion, por bishita e website di Aruba Bank, www.arubabank.com of sigi nan Facebook: <https://www.facebook.com/Arubabank> pa asina bo por wak e schedule di reparticion di tarheta.

Aruba Bank ta gradici tur cliente pa nan comprension y colaboracion durante e transicion importante aki.

PARTIDO MEP ANFITRION EXITOSO

CONFERENCIA REGIONAL DI

COPPPAL NA ARUBA

RIBA TEMA DI DECOLONISACION



Diasabra ultimo a tuma lug na Cede di MEP na Santa Cruz un conferencia regional di e organisacion di partidonan politico COPPPAL, cu a conta cu representacion di paisnan Republica Dominicana, Curacao, Boneiro, Belize, Argentina, Puerto Rico, Mexico y Aruba. E conferencia a wordo organisa y modera pa vice presidente di comision de decolonisacion di COPPPAL, sr. Joe Koolman.

Durante e conferencia a trata e tema importante di colonisacion y

decolonisacion. Colonisacion no ta algo di pasado. E ta un tema actual. Unico diferencia ta cu e no ta sosode mas cu cañon y cadena, sino mas bien na forma di presion financiero, geopolitico y psicologico. Representanten di e diferente paisnan a hiba palabra pa expresa nan preocupacionnan y nan solidaridad cu tur esnan cu ta luchando contra colonisacion. Entre nan lider di partido MEP Evelyn Wever-Croes, lider di partido MAN PIN na Curacao, Giselle Mc William y lider di e

organisacion Nos Kier Boneiro Bel, James Finies y Joselyne Thielman. Pa Partido MEP a participa Presidente Ricky Hoek, Secretario General Endy Croes, Secretario Internacional Gerrit Croes.

Partido MEP ta hopi orguyoso di por a habri su Cede, Cede Libertador Betico Croes, pa e conferencia importante aki.

Clasificados

SOLODIPUEBLO@GMAIL.COM

CEL.585 9500

ASU2025 un experiencia unico cu a habri un mundo di ideanan pa deporte na Aruba

Comite Olimpico Arubano su Podcast cu episodio #04 hunto cu Minister Gerlien Croes



Despues di e di dos episodio di e podcast unda a combersa hunto cu Nicole Hoevertsz tocante ASU2025 a constata hopi lihe cu mester bin un episodio mas. Durante e prome combersacion a logra conta tur cos cu tin di haber cu e delegacion

di #TEAMARU y e resultadonan deportivo. Asina mes a keda masha hopi pa conta, unda ta splica kico tur mas ta pasa rond di e weganan aki manera e asamblea di PANAM Sports y claramente e presencia di Minister di

deporte Gerlien Croes na Asuncion-Paraguay.

Keda pendiente pa e proximo episodio di e podcast unda Minster Croes hunto cu Nicole Hoevertsz ta conta hopi mas di ASU2025 y kico tur a pasa durante e siman cu Minister tabata presente.



#TEAMARU

CROSSWORD WORD SEARCH PUZZLE



1

2

3

4

5

6

7

8

9

10

Across

2. We are in the month of _____.

7. Broccoli is a _____.

8. On what day of the week do we go to church?

9. A strawberry is a _____.

10. Please shut the _____.

Down

1. After I use the bathroom, I wash my _____.

3. When I am dirty, I like to _____.

4. The color of the sky is _____.

5. The color of the trees are _____.

6. My wife's name is _____.



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - September 22, 2025



Sorteo # 4750
4670
9089
4392
**X2**

Sorteo # 4750
0863
**X2**

Sorteo # 2806
5674

Sorteo # 4750
4402
Piscis

Sorteo # 1624
856
**X2**



Sorteo #
0 x Jackpot
0 x Match 4+
0 x Match 4
0 x Afl. 12,00

Joker Letter
Proximo Jackpot
110.000,-



Sorteo #
0 x Jackpot
0 x Match 4
0 x Afl. 8,00

Proximo Jackpot
76.000,-



Sorteo #
0 x Jackpot
0 x match 4
0 x Afl. 500,00
0 x Afl. 50,00
0 x Afl. 15,00

Mega Ball
Proximo Jackpot
270.000,-



Afl. 370.000,-



Sorteo #



ACCIDENTE DI CADENA CU 3 AUTO ENVOLVI Y UN HENDE HERIDA DILANTI RAMADA COLOMBIANA NA TANKI FLIP



Diasabra atardi a drenta informe di un accidente cu hense herida dilanti

Ramada Colombiana, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente di cadena unda e chauffeur di un Kia Rio no a regula su velocidad ni a mantene distancia a bay dal tras

di un Hyundai Accent y consecutivamente e Accent a bay dal tras di e Kia Sorento cu tabata su dilanti.

Debi na e impacto un persona so a resulta herida. Na yegada di e ambulans nan a atende e victima na e sitio mes.

ALTOCOMISARIO DI POLIS RAMON ARNHEN TA YAMA BONBINI NA COLEGANAN NOBO



Cuerpo Policial di Aruba y Politie Opleiding J.E. Watty Vos ta den celebracion awe, cu e cincuenta aña di existencia di Scol di Polis. Na e ocasion aki, Altocomisario Ramon Arnhem a expresa su sentimento di alegria y importancia pa cu e fecha. Altocomisario tambe na mes momento a felicita e grupo cu a huramenta y ricibi nan diploma, mirando e escasez cu tin nan e momento aki den

Cuerpor Policial.

Altocomisario Arnhem ta contento di por mira e studiantenan awo den servicio di Cuerpo Policial como polis. Segun Altocomisario e trabao di polis no semper ta facil, y ta importante pa e coleganan sostene otro, sea horea y wowo di otro, keda den contacto cu otro, papia cu otro y tene otro riba e caminda corecto. Na tur cu a huramente awe, esaki ta e momentonan di mas bunita di nan formacion como polis. Ta hopi recuerdonan a keda forma durante nan opleiding y esakinan lo keda pa semper. Altocomisario no por a keda sin gradici y felicita e docentenan cu, cu man firme, a instrui y guianan te awo, cual ta forma e famia di Cuerpo Policial.



E polisnan nobo lo aporta y yuda desminui e falta di personal cu tin den Cuerpo Policial, cu ta muestra di ta den basta necesidad pa mas personal y ta

optimista cu for di akianan lo mira mas klas habri pa mas polis den futuro cercano.

E cantidad di polis nobo cu ta drenta, ta yuda

contraresta e grupo cu ta hubila y ta trece un balansa den e cantidad di personal, pero cu tin mester mas polis den e Cuerpo, ta evidente.

CHAUFFEUR NO A REGULA SU VELOCIDAD Y A BAY DAL TRAS DI AUTO NA E “TWEG” DI SHABA



Diasabra atardi a drenta informe di un accidente na e “T-weg” na Shaba,

mesora a dirigi un patruya na e sitio. Na yegada di e patruya a bin

compronde cu e chauffeur di e Toyota Yaris no a regula su

velocidad ni a mantene distancia a bay dal tras di e Hyundai Atos su dilanti.

Afortunadamente ningun hende a resulta herida.

Torneo di Softball “Balls Out” a continua: Royal Power Tat Fat ta elimina Yoyo’s Power mediante knockout 17-7

Durante e weekend tras di lomba e Torneo “Balls Out” organisa pa e ekipo Suicide Squad bou dirigencia di Jourick Blanco y directiva a continua riba veld di Centro di Bario Noord. E ekiponan cu a continua a cuminsa crusa contra otro pa asina determina kendenan lo hunga den e gran final dianan 26 y 27 di September proximo.

Royal Power Tat Fat yena cu energia ta knock out Yoyo’s Power:

Royal Power Tat Fat actual campeon di Copa Noord 2025 a bolbe mira accion diabierna ultimo den e grandioso torneo di Balls Out. E biaha aki Royal Power Tat Fat mester a crusa cu Yoyo’s Power pa determina kende ta pasa pa e siguiente ronda. Sendley Danies ta habri e partido pa Royal Power kende kisas no riba su mihor dia pero ta percura pa tene wega serca pa Royal Power por saca un victoria.

Royal Power ta pica bay ariba den bom di promer inning 3-0. Yoyo’s Power ta empata den cabez di 3 inning 3-3. Royal Power ta rally anotando 3 careda mas pero Yoyo’s Power no ta baha cabez y ta anota 4 careda den cabez di 4 inning pa bay ariba 7-6. Mesora Manager di Royal Power ta hala e Team hunto pa planea e strategia pa e recta final. Den cabez di 5 inning Jomark Flanegin ta drenta releva Danies y ta silencia Yoyo’s Power pa e restante di wega. Royal Power ta rally pa 4 careda mas haciendo e wega 10-7 y finalmente den bom di 6 inning ta remolca 3 careda mas pa knock out Yoyo’s Power 17-7 eliminando Yoyo’s Power for di e torneo Balls Out. Boxscore final Royal Power 17 careda, 18 hit, 2 error y ta laga 4 coreador na base. Yoyo’s Power 7 careda, 15 hit, 6 error y ta laga 8 coreador den circulacion. Sendley Danies ta resulta

pitcher ganador mientras Jesus Gutierrez ta bay cas cu e derota. Mihor bateadornan pa Royal Power a resulta Keith Hooker y Guyon “Toy” Cannister ambos a bay di 2-2, Giandrick Lacle di 1-1 cu un doblete, Leander Angela di 3-2 incluyendo un cuadrangular mas 4 RBI, Gillian Wernet 3-2 cu un doblete, Edmar “Macho” Tromp di 4-3 cu 3 RBI y 2 careda anota mientras Jerieel Rafael tabata redhot di 4-3 cu 3 doblete, 2 careda impuha mas 3 careda anota. Pa Yoyo’s Power a destaca na bate Jesus Gutierrez di 3-3 aportando na su propio causa, Jose Blanchard, Daniel Lugo y Daniel Munoz tur a bay di 3-2, Rolando Petronia di 4-3 incluyendo un doblete, Brandon Rincones y Javier Pire di 2-1. Royal Power Tat Fat a continua y lo enfrente Salbabo bek den semi final unda e ganador lo pasa pa hunga final enespera di e ganador entre Calabas



Blue Jays vs Kudawecha Redskins. Gran final lo ta diasabra 27 di september pa 4pm na Centro di Bario

Noord. Tambe e weekend ey lo hunga finalnan femenino y di categoria comercial. Ambiente sigur lo no falta.

Clasificados

SOLODIPUEBLO@GMAIL.COM
CEL. 585 9500

SOLO De Pueblo

INFRASTRUCTURA DEN MAYORIA DEPARTAMENTO DI HUSTICIA TA SEVERAMENTE DETERIORA



Durante ultimo simannan poratuma nota di diferente bishita cu a tuma luga na varios departamento di husticia. Minister mr. drs. Arthur Dowers a enfoca recien na e parti pariba di nos isla. A pasa entre otro na Scol di Polis, Warda di Polis Savaneta, Operation

Command Center como tambe na Korrectie Instituut Aruba (KIA). Di e cuatro facilidadnan cu Minister Dowers a bishita, dos ta den deterioro total. Ta di lamenta cu mester constata cu tin hopi reto den e departamentonan di husticia, specialmente

ora e gobierno anterior ta grita cu bos halto cu nan a laga un surplus. Korrectie Instituut Aruba (KIA), e prizon di Aruba, ta den situacion hopi complica y deplorable cu ta aumenta e necesidad pa efectua un intervencion mas lihe posibel.





A haya oportunidad tambe pa papia cu diferente hende envolvi. Locual ta sinti cerca e trahadonan en todo caso ta cu e motivacion t'ey cerca varios di nan, pero e condicion cual nan ta traha bao nan ta pisa y ta pone un presion hopi grandi riba nan, tanto fisicamente, mentalmente como riba nan estado di salud. Minister a indica cu gobierno den e situacion aki tin un responsabilidad hopi grandi pa atende cu

ne. Banda di esaki tin reto grandi pa locual ta e edificio y su estructura, como tambe e parti organisatorio cu tambe lo mester bay interveni aden y mira con lo por fortifica e maneho den e organizacion.

Tin cu bay streamline diferente proceso cu ta tuma luga den e organizacion y garantiza cu e por funciona mas eficiente y cu tur procedura cu mester hiba, ta cana corecto.

POLISNAN CU UN CONTROL RIGUROSO NA ORANJESTAD, ACCION CONTRA PROSTITUCION, BENDEMENTO DI DROGA Y ALCOHOL



Diasabra atardi polisnan di Oranjestad a subi caya pa actua contra prostitucion benta di droga y alcohol bendi clandestinamente den un intento pa re-establece ordo y respet den pueblo pasobra cosnan ta bayendo for di man. Nan a controla kita

droga for di riba caya, stop e bebementonan pafo di barnan y supermercadonan y controlando chauffeurnan burachi y detene nan. E controlnan aki lo sigui sosode pa drecha e situacion cu a bay completamente for di man.

SOPI DI LETRANAN

Familia

D	H	E	R	M	A	N	A	D	X	N	Z	W	R	K
B	J	R	O	H	Y	O	O	P	M	M	C	M	L	C
D	N	S	A	M	A	Z	N	W	D	K	O	Z	Z	B
F	O	L	Q	A	P	U	A	Q	Z	F	Q	S	Q	N
R	A	P	V	M	J	D	M	U	J	W	O	M	W	E
G	A	M	C	A	G	A	R	X	R	M	Z	E	P	M
P	L	U	I	M	O	T	E	I	I	U	P	B	V	X
C	E	I	A	L	V	K	H	R	I	K	X	A	S	K
Z	U	L	T	A	I	J	P	N	P	Q	A	P	P	D
I	B	H	I	O	P	A	F	L	K	O	J	E	O	A
F	A	M	A	N	F	E	A	Z	V	I	W	Z	N	T
Q	L	S	W	W	S	R	I	R	Q	K	O	J	R	I
A	E	X	M	R	J	R	T	O	S	C	I	I	I	H
H	H	Z	A	G	T	T	D	L	W	P	V	A	T	V
D	K	Y	W	H	G	A	B	U	E	L	O	Z	N	Q

ABUELA
ABUELO
FAMILIA
HERMANA
HERMANO
MAMA
PAPA
PRIMOS
TIA
TIO

SUDOKU

	3		2		9		7	
9			4	1	3			8
		1		7		3		
7	1			4			9	5
	8	6	9		7	4	3	
5	9			2			8	7
		8		6		9		
6			1	3	2			4
	4		8		5		6	

		6	7		4	9		
	5			6			8	
2								5
3								1
1								2
	8						3	
		7				6		
			3		9			
				8				

	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	



Oracion di dia

Un feliz dia yena di hopi fe y speransa den nos bon Dios

”...sino conta e generacion venidero: esta gloria di Señor, su poder, ye cosnan milagroso c’El a haci.” (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. ”...pa nan tambe confia denSEÑOR, no lubida Dios su obranan grandi...”(Sal 78, 7)
Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di
Bo Maraviya.
Y inspira nan pa nan sigui conta na e siguiente generacion.
Amen.

E BON NOTICIA.

NO TIN SALBACION PAFOR DI IGLESIA DI CRISTO-HESUS

Tin sectanan ta bisa, cu salbacion no ta bini di Iglesia. Bijbel ta bisa den Efesionan 1: 22-23; “Dios a pone tur cos bao di pianan di Cristo y E’l a pone Cristo como cabes di Iglesia, na cual ta Su Curpa. Plenitud di Esun cu ta realisa tur cos den tur.” Bijbel Colonsensenan 1: 18: “Cristo ta cabes di E curpa, esta di Iglesia. E ta origen di tur cos, Esun prome cu a lanta for di morto, pa asina E ta Esun prome den tur cos.” Iglesia ta E curpa di Cristo, pa sigi cu e mision di salbacion di Cristo. Den Bijbel Mateo 28: 19-20, akinan Hesus a manda Su apostelnan, pa haci henter e nacion discipelnan di Hesus y e mision aki ta universal, pa henter mundo. Pesey Iglesia di Hesus, mester ta universal y universal ta nifica Catolico (mira den woordenboek). Hesus a institui Su doctrinanan, pa Su Iglesia cumpli cu nan. Bautismo Mateo 28: 19-20, Eucaristia Lucas 22: 19-29, Confirmacion Echonan di Apostelnan 2: 1-4, Reconciliacion Huan 20: 23, Matrimonio Mateo 19: 4-6, Sacerdotal Marco 3: 13-19, Enfermonan Hacobo 5: 14-15. Den Bijbel Mateo 16: 15-19: “Hesus ta puntra Su apostelnan: Anto boso mes, ta ken boso ta bisa Mi ta? Simon a contesta: Bo ta E Mesias, E Yiu di Dios bibo! Hesus a bis’e: Felis bo ta Simon yiu di Huan, pasobra no ta hende a revela bo esaki, ma Mi Tata cu ta den Cielo. Mi ta bisa bo: Abo ta Pedro (o sea baranca) y riba es baranca aki, lo Mi lanta Mi Iglesia y forsanan di fierno lo no podera di dj’e. Lo Mi duna bo e yabinan di Reino di Cielo y loke bo prohibi na tera, ta prohibi den Cielo tambe y loke bo permiti na tera, lo ta permiti den Cielo tambe.” Akinan Hesus ta bisa bon cla, Mi Iglesia, o sea un solo Iglesia. Forsanan di fierno, ta e demonionan den fierno cu lo bin cu diferente institutonan di sectanan, pa podera y pa kibra e Iglesia di Hesus, pero nan lo no logra. Hesus a duna Simon e nomber Pedro, cu ta significa baranca, o sea cabes visibel di Cristo Su Iglesia. Hesus a duna Pedro e yabinan di Reino di Cielo, esaki ta e yabinan pa e porta di Reino, o sea cu e Iglesia Universal di Cristo ta e unico caminda

pa e Reino di Cielo. Tocante e yabinan di Reino di Cielo, por lesa den Bijbel Revelacion 21: 10-14, cu ta bisa di e ciudad Santo di Herusalem cu ta bahando for di Cielo briyando di Dios Su Gloria. E muraya di e ciudad tabatin 12 piedra di fundeshi grandi y ribanan e 12 nombrenan di e 12 apostelnan di E Lamchi tabata scirbi. Esaki ta e 12 yabinan di e 12 portanan di Reino di Cielo, na unda e 12 nombrenan di e apostelnan ta scirbi. Hesus a duna autoridad na Pedro, pa dirigi Su Iglesia, loke ta permiti y di loke ta prohibi. Den Bijbel Marco 16: 15-16, Hesus ta bisa Su apostelnan: “Pasa rond mundo y predica e bon noticia na henter humanidad. Esun cu kere y bautisa, lo ta salba, ma esun cu no ta kere, lo ta condena.” Compronde bon, cu tur e humanidad di mundo y hasta e Hudiunan mes, nan mester kere den Cristo Hesus y nan mester drenta den Iglesia Universal di Hesus y ser bautisa, pa nan por ta salba y pa nan por drenta den Reino di Cielo. Awor, den Bijbel Efesionan 1: 22-23 y Colosensenan 1: 18, ta bisa, cu Iglesia ta Curpa di Cristo y Cristo ta cabes di Iglesia, cu ta Su Curpa. Y den Bijbel Mateo 16: 15-19, Hesus ta bisa Simon: “Abo ta Pedro y riba es baranca aki, lo Mi lanta Mi Iglesia.” Akinan ta un Iglesia tin. Den Bijbel Mateo 28: 19-20, akinan Hesus ta bisa, cu Su Iglesia mester ta Universal, pa henter mundo.

Les a Bijbel Echonan di Apostelnan 20: 28-30, na unda San Pablo ta bisa, cu lo bini lobonan feros, o sea sectanan, iglesianan y religionnan falso cu lo bini cu doctrinanan robes, pa kibra e unico Iglesia cu Hesus a gana cu Su propio Sanger. Compronde bon, cu na anja 1521, un tal Martin Lutero un teologo protestant aleman, a bin cu doctrinanan robes y enterpretacionnan liber y falso di Bijbel. Y asina aki a bin hopi divisionnan y a lanta diferente sectanan y religionnan falso na mundo, ganjando hopi hende y buscando hendenan debil den fe, pa cai den nan trampanan di condenacion. Pesey, no tin salbacion pafor di Iglesia Universal.

Mira con Dios a salva mi, Tur mi confianza ta den djE,
Señor Dios ta mi forsa, mi refugio. E mes t’Esun cu a salva mi. Isa as 12:12

Cu inmenso tristeza na nos curason, pero conforme cu boluntad di Dios, nos ta anucia fayecimento di nos mama, wela, bisawela, ruman y tanta:



Sra. Vda. Maxima E. Semeleer - Paesch
Cariñosamente yama “Shomina”, “Mamina”
*01-02-1934 - 13-09-2025

Casa:
Rafael Semeleer
Na nomber di su yuinan:
Marcia Paesch y yiu
Cadia Paesch y yiu
Francisco (Scnt) y Gina Semeleer – Jansen y yiu
Antonio (Tony) y Alva (Jolanda) Semeleer - Geerman y yiu
Dominico Semeleer y compañera y famia
Magaly y Pedro Zievinger- Semeleer y yiu
Rafael (Ito) Semeleer
Johnny Semeleer
Elvis y Esther Semeleer y yiu
Vda. Glenda y †Ildo Vrolijk -Semeleer y yiu

Nieto- y nietanan:
Carina y Jeffrey Rojer-Figaroa y yiu
Javier Flanders
Eldrick Noèl
Kimberly Semeleer y Tim Remijn
Franky Semeleer
Shuraima Henriquez y yiu
Jeffrey Semeleer y Joanne Vrolijk y yiu
Samantha Semeleer y Kevin Tromp yiu
Militza y Jeffrey Croes-Zievinger y yiu
Eunice Semeleer y Yakira Gabriel-Torres
Priscylla Semeleer y Janine Nicolaas
Zeick Larmonie y yiu
Hiram Vrolijk

Rumannan:
Brunilda Paesch y famia
Margarita Paesch y famia
Vdo. Johan (Buchi) y Emila Paesch-Jacopucci y famia
Helena y Ronny Brete-Paesch y famia
Carmen Paesch y famia
Maria Paesch y famia

Amiganan di cas: Maria Marin, Dina Geerman.

Su bisanieto- y bisanietanan, sobrino- y sobrinanan, sua y cuñanan, primo- y primanan, Ihanan, comer y compernan, bon bisiñanan, amistadnan y demas famia: Paesch, Semeleer, Jansen, Geerman, Zievinger, Vrolijk, Figaroa, Rojer, Flanders, Noel, Croes, Remijn, Larmonie, Kelly, Henriquez, Werleman, Ras, Jacopucci, Brete, Ruiz, Flanegin, Chung, Eckmeyer, Tromp, Marin.

Un danki special ta bay pa dr. Christianne Zuijerdhoudt, dr. Carolina Becker, dr. Karina Kelly, Asst. Yadira Britten y tur otro cu a yuda Shomina.

Oportunidad pa condolencia lo tuma luga na: Aurora Funeral Home
Diamars 23 september 2025 anochi di 19:00 pa 21:00.

Ta invita tur demas famianan, amigonan y conoci nan pa asisti na acto di entierro cu ta tuma luga: Diaranson 24 september 2025 mainta di 9:00 pa 11:00 na Parokia St. Anna, Noord.

Desculpa nos si den nos tristeza nos por a lubida di menciona un of otro famia.
Nos ta lamenta cu despues di entierro nos no por ricibi bishita di condolencia na cas.

SABIDURIA DEN NOS ALEGRIA

Skirbi pa Ruthy “Lady Ruth” Vrieswijk-Bergen



Ainda mi ta wak mi mes como un mucha, sinta dilanti televishon ta wak “The Flintstones” na Tele Aruba, back den tempo, anjanan atras ! Dushi ohm ! Hopi pret y bunita ! Awel....ta asina dushi mi a sinti, ora mi a drenta e restaurant Big Mama Grill na Baby Beach, aki mes na Aruba. E mesanan y stoelnan mes ora a capta mi atencion, waaaaw, awesome ! Stoelnan y mesanan stevig diki fuerte y hopi pisa , anto traha den e estilo di Los Pica Piedras, siiiii, di tempo di The Flintstones cu Fred, Barney, Wilma y Betty. Nan yuinan Pebbles y Bambam, e yui homber cu hopi forsa, y nan cacho Dino. Mesora Lady Ruth a pidi permiso pa sinta riba e scochi di “Big Mama”stoel y laga saca algun pics di dje den e bunita y dushi restaurant aki’cu adorno bunita di e banderin di Aruba colga tur na plafond, baylando den e dushi biento fresco,

un bista super pero super nice pa turistanan y pa nos localnan mes ! Aruba ta nos, nos ta Aruba !. Un bunita y dushi famia talentoso y bendiciona, famia Raven, e felis propietario cu ta maneha, traha cu alma y curason pa laga tur hende sintinan mes na cas den Big Mama Grill, no solamente e turistanan pero tambe nos localnan. Nan tin un tremendo team di koki, bartenders y waiters y waitress, esnan trahando riba Beach, trahando cu amor, bau supervision di Lucas Bergen cu a hanja un promocion e mainta aki di Supervisor pa Manager. Famia Raven a organisa y prepara un bunita y dushi sorpresa pa nan Manager Lucas Bergen, tur bisti den nan bunita tshirt preto cu potret di Lucas ariba dje, cu a hasi anja e dia ey. Tur e miembronan di nan personal y staf a dirigi palabra na Lucas cu hopi aprecio, carino y amor pa su bon trabao

profesional cu diciplina y cu curason. Lady Ruth a saluda y combersa cu Sr. Gilbert Raven, the best of the best cantante di tumba di Aruba, un di nos Tumba King pa hopi anja ! Hera nos a canta un cancion hunto e mainta dushi aki ! Guapo Gilbert Raven ta canta bon cu Mariachi tambe ! Gilbert a yega casi ta canta cu alegria ! Cu expresionnan di alegria ! E bos potente tey ! E otro dushi sorpresa, tawata ora Ruthy a topa cu su prinses Sra. Loutiza Raven, cu a canta “How great thou art” na e entierro estatal di nos ex prome ministro Henny Eman, algun tempo atras. Recuerdonan bunita a bolter bin ariba, scuchando e gospel bunita den un bos super bunita, excelente y profesional cu curason di Loutiza, un hende muhe nechi y elegante, artistico inspira, bunita di paden y pafor. Pero ora bo wak su bunita mama Sra. Beverly y Lieve Tante Trisha, bo sa, cu no por otro. Tur ta hendenan nechi bunita, nos dushi hendenan original y natural bunita fisicamente y spiritualmente den nan trato cu prohimo. Despues cu nos tur a canta Happy Birthday pa Lucas, despues cu tur a dirigi palabra na Lucas, Lady Ruth a recita un bunita poema pa su ruman homber, den presencia tambe di Lucas su bunita y felis pareha Valerie y varios miembro di famia presente. Famia Gilbert Raven y Loutiza a habri cas Big Mama Grill y curason pa nos tur e dushi mainta aki. Nan menu ta superrrrrrr! Nos a saborea di dushi snacks, dushi fruitpunch y of algo otro segun bo deseo y un dushi BBQ prepara cu hopi amor y carino ! Mientras nos tawata gosando di e dushi ambiente y compania, turistanan tawata drenta



sali, drenta sinta come y bebe, saca potret y sali contento bay bek riba beach. Oh un bista bunita di e laman blauw cu su santo blanco ! Turistanan bau di parasolnan colorido ! Un tremendo team atendiendo nan ! Hendenan contento y satisfecho cu e bon y excelente servicio den Big Mama Grill. Dr. Posner, awor gozando di su penshoen, a menciona con dushi e “goat dish” ta ! Valerie a saborea un di nan platonan di cabaron ! Heerlijk ! Hopi great tawata ora cu algun amigo di domino di Lucas a yega, ariba peticion y invitacion di Gilbert, Mr.G, y por a scoge un bunita mesa pa a sinta hunga domino, e dia aki, cu Lucas a hasi anja y cu ela hanja un dia liber pa fiesta cu nos tur na su manera, cu lus berde di su hefenan, famia Raven cu ta trata tur nan hendenan super bon mes ! E dicho, si bo staf y personal ta wordo bon trata y ta contento, nan ta traha contento y ta mas productivo ! Ki bunita bendicion ! Den number di famia Bergen y Simon, den number di Ruthy y Valerie, un danki super grandi

na famia Raven pa stima nos ruman y nos pareha asina hopi ! E tambe ta stima boso , y e ta stima su trabao cu e ta super bon den dje, trahando profesionalmente cu curason yen di gradicimento pa e bunita oportunidad y cooperacion ! Danki pa e confianza deposita den Lucas, y danki pa a bin cu Big Mama Grill na Aruba. Hopi mas bendicion y exito pa boso tur ! Dios ta bon, Dios semper ta bon ! E sa y conose su yuinan ! Danki lieve mensen pa lesa nos relato di e siman aki cu hopi atencion ! Nos a sigui nos curason ! Nos amor y atencion pa nos dushi y bon hendenan di Big Mama Grill and restaurant, pariba di brug, den curason di Colony, banda di Baby Beach. Nos tin cu elogia nos localnan tambe pa nan bon trabao semper aportando turisticamente ! Asina cu e schedule di cuida nos grandinan permiti, Johan y Ruthy rumbo pa Big Mama Grill ! Yabba Dabba Dooooooo !!!! “Wilmaaaa.....open the door !!!